

00350
42
部241

第四十一冊

卷六十二

物產考五

卷六十三

物產考六



新纂雲南通志

盧

漢題

簽



新纂雲南通志卷六十二目錄

物產考五

植物二

作物類

稻

麥

蜀黍

粟

黍稷

稗

薏苡

新纂雲南通志

卷六十二 物產考五 目錄

玉蜀黍

甘蔗

蒲草

蕎

藍

麻

盤龍草

草棉

茶

蔬菜類

慈姑

菱瓜

芋

山藥

蒟蒻

百合

葱

韭

蒜

莧菜

恭菜

白菜

新纂雲南通志

卷六十二 物產考五 目錄

二

苦菜

調羹白

甘藍

苕蘭

花椰菜

萵苣

蘿蔔

蔓菁

大頭菜

油菜 麥蘭菜

豆

落花生

土瓜

海帶

藕

芹菜

茴香

胡荽

胡蘿蔔

甘露子

茄

洋芋

新纂雲南通志

卷六十二 物產考五 目錄

三

辣椒

西紅柿

甘薯

胡麻

瓜

蕨菜

菌

石花菜

念珠菜

果實類

鳳梨

菱角

荸薺

甘蕉香蕉
芭蕉

荔枝

龍眼

核桃

花紅

蘋果

桃

李

梅

杏

梨

棠梨

木瓜

山楂

枇杷

櫻桃

鎖梅

救軍糧

楊梅

橄欖

羊奶果

無花果

波羅蜜

石榴

柑

橘

橙

柚

仙人掌

金剛纂

棗

枋棗

葡萄

酸角

柿

軟棗

咖啡

新纂雲南通志卷六十二

物產考五

植物二

作物類

稻

屬禾本科爲雲南極重要之主食品滇產始自何時未得其朔然必氣候溫熱水利便捷又有砂質壤木之地始適於種植考雲南屬西南高原又爲季風區域冬季之風自西北吹入氣候嚴寒雨量不多延互數月只宜麥作及屆夏季季風自東南吹來氣候暑熱雨量亦多直至秋成最宜稻作又雲南之緯度亦在二十餘度即所謂亞熱帶區以稻作之性質言之亦適宜之溫暖耕植區域故除高寒寡雨

之山地外均可闢爲稻田稻作之盛自在意中吾人亦不必編列其產地惟其品類各別大致分爲粳糯二種細別之即係水陸兩稻其中又有有芒無芒之分如宜良之紅穀尋甸之馬尾青緬寧之地早穀大理之臘脂稻均無芒者也早生晚生之別如曲靖糯雲龍糯新平大白穀江川大白穀華寧早白穀雲龍香穀大理早穀臨安早穀皆早生種也又如富民大糯鎮南香糯定遠大白穀廣南晚穀等以及性能耐寒者均晚生種也米粒大小長圓之不同黃白紅黑紫色澤之差異（如景東黃糯思茅紫糯河西黑稻宜良黑穀景東箇舊寧洱等地之紫米均當地名產）合之以外來之品種（如會理之大糯白糯光化之紫穀潼川之白穀黃穀日本之水稻陸稻各種皆清末輸入而試植者）現在總計已達百有餘種之多非就稻作之



產地名稱品質性狀細加研究不能得精密之區別也米之出產以宜良玉溪等縣爲多宜良米除本縣食用外尙可出口八百餘兜又五福亦以產山地穀著稱昆明昆陽又以弔穀著

麥

屬禾本科分大麥小麥燕麥三種在滇產中爲次於稻作之主要作物不畏寒冷乾燥之風木而忌炎熱久雨之氣候故能屹立於冬夏兩季風節氣之間而佔優勝之地位產地之普遍不必盡舉且其用途最多除麵食外麥酒飴糖則資大麥糕餅麵包則資小麥濃醬醬油則資褐麥（大麥之別種）乳牛飼料則資燕麥將來人口益繁食料隨增水田無可擴張麥作必更加重視可無疑也滇產大麥稈部高長穗共六稜芒亦長細性強豐收近省一帶均利賴之裸麥則自

日本輸入爲大麥之別種而子粒較小維西產青稞麥子實微青性最耐寒亦屬大麥之別種經年一熟七月種八月穫炒而舂麵入酥謂之糝粍和飲濃茶乃滇西北部禦寒之惟一食品也維西以外阿墩中甸亦產之小麥爲滇常產又分扁穗圓穗兩種扁穗者或有芒或無芒有芒亦較大麥爲短惟粒實飽滿鮮潤收產亦豐最宜切麵舂麥玉麥則芒較深長子實偉大輕軟適製麵包圓穗之小麥則芒部或有或無實粒堅韌亦宜切麵又紫小麥粒色紫紅火小麥韌殼黃赤灰小麥係改良種性質在紫小麥火小麥之間大理麥稈適於編製草帽及提囊燕麥亦名雀麥因其穎殼似燕雀故名性耐荒寒不畏乾旱粒細長而籽皮易脫者曰裸種或云鼠子牙其同種而脫籽較難者爲籽種東川產之燕麥即是總之雲南產麥每年一次黃

熟之期小麥較大麥遲而燕麥又較小麥尤遲又其產量不豐用途亦窄故不如大麥小麥之爲滇人注意

蜀黍

屬禾本科即高粱之別名也滇多處產之可分高生矮生兩種昆明產之牛心高粱馬尾高粱以及彎高粱皆高生種也稈粗穗密粒可釀酒其去粒者適製掃帚矮生者昆明之糯高粱及鶴頭蜀黍皆是用途與高生者同定遠產之高粱佳者可製力石酒元謀產者亦有兩種其粘者爲酒露可敵汾酒是與昆明糯高粱一類

粟

屬禾本科與高粱大略類似滇各處產之亦有粳糯之分昆明產者有黃粟穗如狗尾土人謂之狗尾粟又有紅粟與白粟紅粟稈長粒赤如米白粟則稈高大殼粒亦美滿性强產豐滇產粟類雖不及稻麥之重要然性耐旱乾又能久藏備救荒及作飼料亦次要之作物也

黍稷

亦屬禾本科與粟大同小異黍之粳者爲稷糯者爲黍滇產者又各有白黃灰褐赤黑諸色而褐黍與黃稷爲滇產之常品

稗

亦屬禾本科有水稗旱稗兩種瘠土荒地皆可生活亦救荒植物之一也滇田野間野生亦間有栽植之者

薏苡

亦屬禾本科花開紅白粒實圓滿豐腴含蛋白質最多可炊食亦可

入藥滇原野有栽培之者華寧路居箇舊產較多

玉蜀黍

屬禾本科俗名包穀稈葉均似高粱心部別出一苞苞內子顆顆攢聚本爲溫暖兩帶之作物但滇中荒涼高原不適於麥作之地而玉蜀黍均能產生用途與稻麥同爲當地之主食品並可飼畜釀酒即其稈葉苞皮無一廢棄之物眞雲南經濟作物之重要者也品種亦分粳糯糯種者如昆明大糯白糯花糯富民大糯瀘西白糯昭通烏花糯等而以昆明所產比較香粘粳種者有昆明大黃大白黃馬齒東川大紅包穀小紅包穀鎮南黃包穀大包穀等而鎮南產者尤佳滇西一帶亦多種之又瀘西宣威平彝霑益等處畑地較少半屬荒原幾於徧蒔包穀而一切生活無不需之亦可知其重要爲何如矣

甘蔗

屬禾本科稈葉均似包穀多年生之草本也高達二丈許在其尖端攢綴穗狀花序花有絹絲光澤之長毛具二雄蕊一雌蕊柱頭二分作蛾毛狀稈中富有糖分爲熱帶榨取蔗糖之原料有青皮紅紫淡竹色各種紅紫皮者微雜酸汁但易榨取青皮淡竹色者皮質較硬但所含糖汁則比紅紫色多而純滇跨亞熱帶江邊熱地如婆兮彌勒竹園景東寧洱永北賓川巧家五福緬寧雲州臨江保山施甸元謀開遠等處均盛栽培故自昔即有竹園糖雲州糖賓居牛井糖之稱紅糖而外如竹園出品亦有白糖冰糖微惜土法榨取狃不知變產量既少質亦不純於洋糖高價時僅塞漏卮于萬一不足以云輸出也

蒲草

屬香蒲科鄧川特產可以編蓆遠銷各處

蕎

屬蓼科莖中空有節葉互生心臟形邊緣作三角狀有長葉柄開五裂穗狀之小白花雄蕊八雌蕊一子房成熟中貯澱粉即尋常之蕎麥粉也有苦甜兩種爲救荒植物之一甜蕎且作常食品生產滇荒寒原野及寡雨坡地山民多栽植之陸良尋甸亦以產甜蕎著

藍

屬蓼科者曰蓼藍草本莖高二尺許夏秋開淡紅小花葉片可爲靑藍色染料即滇所云之靛藍也玉溪尋甸大理出產栽植之者亦多今人造藍來滇出品已式微矣（另有一種名紅藍屬茜草科莖細長比蓼藍爲高葉緣有硬刺夏季開紅黃色小花花片可爲紅色染料滇原野舊有栽培者但阿尼甯輸入遂無專蒔紅藍者也）

麻

滇產麻類最普通者有大麻亞麻苧麻等數種（一）大麻屬桑科一年生之作物也方莖複葉高達六尺以上花開雌雄異株成長期短栽培亦易利用其纖維爲滇農家副業之一尋甸產麻爲出口大宗（二）亞麻屬亞麻科一年生草本花開紫藍色亦名火麻纖維長靱柔細美麗光滑適于稍濕氣候粘土質壤地尤宜三四月下種六月採麻在滇一年可栽兩回子入藥稱火麻仁瀘西尤多（三）苧麻一種屬苧麻科宿根草本高四尺至一丈圓莖單葉但其莖部均有皮層由纖維質組成刮取外皮則得纖維至靱之粗麻再行細劈纖

維則爲精麻供績麻布夏布之用滇各處產之臨江出口爲大宗又鶴慶產水麻不知何屬姑附於此考古時桑麻並稱知麻之利不亞於桑但滇產麻類只爲副業之一其用及于績繩製布而止且亦僅限于荒原瘠地已也

盤龍草

屬豆科鄧川特產苜蓿類之草本也又名藥使草高五寸莖末四葉環生綴花如穗又有紫紅細碎之花冠盛夏花開用以飼牛頗益乳汁亦製乳扇油質較佳

草棉

屬錦葵科一年生草本滇溫暖地帶及金沙江流域元謀羅平永北賓川等處產之莖高三四尺葉互生掌狀分裂夏日開花瓣片黃白

各片基部微帶赤紫外被綠色總包內有聚藥雄蕊花後結蒴蒴裂則種絮飛出取而集之即棉花也種子亦可榨油稱棉子油草棉之蒴果開裂與氣候極有關係大概熱地蒴早裂遇寒則蒴不易裂開滇產棉地南至思普臨江車里五福佛海鎮越猛丁麻栗坡蒙自西至騰永沿邊燠熱之區內地如元謀永北賓川等瀕金沙江流域無不爲其適當區域每年產量至少在數百萬斤以上惜尙未聞有專門統計之者今滇棉之來源多仰給于緬甸瓦城(名瓦花)與東京自植之者進程尙緩然既係舶來品利權不免外溢衣食之源以能自給爲要晚近倡購美洲草棉子種(海島棉質純而白纖維長韌)植於滇中熱地設區督種期以數年將來產棉成績必不亞於河南陝西諸省云

茶

屬山茶科常綠喬木或灌木通常有五六尺之高枝極密生葉披針形或橢圓形邊緣有細鋸齒互生質厚而滑澤秋後自葉腋抽出短梗上綴六瓣白花雄蕊多花絲下部相連成環雌蕊一子房三室各室有二枚之胚珠即茶果也延至翌年初秋始行成熟但滇產茶樹均以採葉爲目的而栽培之此種植物性好濕熱適於氣候濕潤南面緩斜深層壤土河岸多霧之處我滇思普屬各茶山多具以上條件故爲產茶最著名之區域普洱茶之名在華茶中佔特殊位置遠非安徽閩浙可比舊志引阮福普洱茶記云所謂普茶者非普洱界內所產蓋產于府屬之思茅廳界也廳治有茶六處曰倚邦（今五福屬）曰架布曰嶧嶼曰蠻磚曰革登曰易武（今五福屬）與通志

所載之名互異至載普洱所屬六茶山除革登倚邦蠻磚三茶山外另舉攸樂（今車里屬）莽披慢撒（今麻栗坡屬）之名古今音微有出入要之皆思普沿邊一帶可斷言也元江江城景東鎮越五福佛海今亦以茶爲大宗猛板猛戛臨江麻栗坡亦出產至於普茶之採收均有當地專門術語春季摘其嫩者謂之毛尖經過蒸揉搓烘焙等等之手續始行運市出售至摘其葉之少放而猶嫩者曰芽茶採於舊曆三四月者曰小滿茶採于七八月者曰穀花茶茶大而圓者曰緊團茶其入商販手外細內麤者曰改造茶此採茶時之名目也至製成之茶多屬綠茶紅茶則滇尙無出品現在分析茶葉知其所含成分有茶素鞣酸（單寧酸）芳香油灰分等等茶之價值亦以各成分之多寡而異鞣酸味澀多含老葉中不適於沸水泡製嫩葉含

茶素芳香油較多溫泡沸泡均宜普洱茶之可貴即在採自雨前茶素量多鞣酸量少回味苦涼無收澀性芳香油清芬自然不假薰作是爲他茶所不及耳普洱茶每年出產甚多除本省銷用者外爲出口貨之大宗車里佛海等處逕有就近採製裝銷直售至暹羅印緬者苟能推廣改良錫蘭產茶不難抵制也滇產茶除普洱茶外有寶紅茶產宜良西山茶產洱源威通茶產大理（見大理志今已式微）均爲各該地之特品云雲龍特產之蘿峯茶有鳳尾雀舌二品於清明節採出茁芽者曰雀舌曝乾後攜贈遠方最爲珍貴其將葉而採取者曰鳳尾貯之一年炒香烹之味回甘能消食止渴但襲茶名並非茶科

蔬菜類

慈姑

新纂雲南通志

卷六十二 物產考五 植物一

八

屬澤瀉科一名地栗多年生草本葉廣卵形基腳分歧有長葉柄秋時開白花供食之部即其塊莖質肥味美富於澱粉滇水田多栽培之河西大灣大哨清水河產者顆巨味香較他縣爲著

菱瓜

屬禾本科一名菱白或云彫胡生於陂澤結實即菰米嫩莖供食滇到處產又建水開遠蒙白之草芽亦嫩美可食姑附於此

芋

屬天南星科葉大心臟形有長柄根部富澱粉可供常食滇園野多栽培之有白芋紅芋褐芋諸種大理永昌賓川魯甸綏江宣威陸良產者尤佳史記貨殖傳稱爲蹲鴟食之不飢翟方進傳云「飯我豆食羹芋魁」即此芋也滇海虞衡志及札樸均云「滇芋早熟味美

巨甲天下」齊民要術云「根旁子芋最多者曰百子芋出葉榆縣」按葉榆即今大理郭義恭廣志云「有魁芋無旁子者生永昌」可見滇產魁芋得名之早

山藥

屬薯蕷科宿根草本之一種塊根大者在十斤以上亦富澱粉可供菜食滇園野間栽培之石屏產者有象腿雲版二種大理劍川產者尤佳其野生者名野山藥含菸酸多毒只可入藥

蒟蒻

屬天南星科一名鬼廟又名鬼頭滇西一帶呼爲磨芋葉類天南星柄有斑紋根莖扁圓如瓜肉白如芋內含漿汁以灰水煮之則凝固成膠凍質如豆腐狀謂之磨芋豆腐滇中喜醃食之但含菸酸毒質

多食或反有害今鹽津鎮南廣通有洗製蒟蒻粉銷售省外作素席中蜚皮海參代用品者按蒟蒻與蒟醬兩見滇志雖同爲滇名產但名稱易混蒟醬即蕁子一云蘆子緣木而生子如桑椹擣之爲醬可合檳榔至於蒟蒻則草本直立根名蒟頭大者如斗其肌正白與蒟醬截然兩物劉淵林辯之詳矣

百合

屬百合科地下鱗莖飽含澱粉可供蔬食亦可製百合粉滇到處栽培之性適砂質壤土大理晉寧產者尤佳

葱

屬百合科爲滇中佐食常品安寧產者鱗莖及葉較大品質絕佳爲各處冠且有香味一名香葱近時新自法國輸入玉葱一種鱗莖脆

美西餐上多用之

韭

屬百合科嫩葉及花蕾均爲蔬食常品黃芽韭亦佳滇鶴慶等處產又洱源特產芸香韭能治瘴疾

蒜

屬百合科嫩葉及根莖均供食以昆明大蒜鄧川獨蒜爲佳別有稀葉密葉兩種均自外國輸入依種實繁殖

莧菜

屬莧科舊志有紅白兩種可供蔬食及鹽漬物葉面有銀白色故又與藜屬之灰桃菜相近滇到處產

恭菜

屬藜科舊名蒼蓬菜赤根綠葉鮮嫩異常蔬菜上品也今食用化學之研究謂此菜葉中富有數種維他命功能清血故餐食中頗樂用之蒙化志謂葉可燒灰浣白衣滇到處栽培之

白菜

屬十字花科滇南本草載入藥用謂其味甘性平今已爲滇中常蔬品種極多通海產者尤著京白菜來自舊京雖屬晚生種但嫩葉重重包裹外黃內白質最柔美其次成都白亦佳蓋由四川輸入者通海所產肥大緊密亦爲他縣所不及云

苦菜

屬十字花科爲晚菘之一種一名雲葵舊與苦蕒混稱但非同科此菜葉色淡綠以其原產山東故有青菜山東菜之稱品種分冬苦水

苦兩種冬苦宜醃藏水苦宜煮食近昆明市所售大苦菜每株重達五六斤謂係清季輸入之西洋種云

調羹白

屬十字花科一名箭桿白或云體菜性質在白菜與苦菜之間爲晚生種亦滇中常蔬

甘藍

屬十字花科俗名包包白滇志未收入今滇園圃中品種頗多中有單球羣球兩類球狀部即其嫩莖外裹密葉味美質軟又有綠葉捲縮每葉腋結一小球或數球者質亦佳美如自日本輸入之子持甘藍綠葉甘藍是也西餐中之生菜亦即綠葉甘藍之一種滇中產者以東川之蓮花白爲佳

苕蘭

屬十字花科亦蕪甘藍之一種滇南本草謂其味辛澀可入藥用今則取其嫩莖爲蔬食品東川鎮南產者佳

花椰菜

屬十字花科俗名洋花菜花蕾叢生品質柔嫩滇市出品殆十數年前自法國日本輸入者云

萵苣

屬十字花科俗名萵筍嫩莖供蔬食今昆明市各種苦苣係自法國輸入之新種葉脆美

蘿蔔

屬十字花科異名甚多或云蘆菔或云萊菔俗呼蘿白舊志有紅黃

白三種根莖部肥嫩多汁甘美可口滇中到處產之推爲根葉菜之上品滇海虞衡志謂逕體通紅者尤佳今名透心紅通海之紫蘿蔔能傳紅色於他物尤稱特產其蘿蔔可推絲製餅能銷各處河西產者亦可推絲

蔓菁

屬十字花科一名蕪菁或云諸葛菜麗江府志謂爲復生菜有紅白兩種今昆明市呼白者爲小白蘿蔔紅者爲漢中蘿蔔蓋其形體與蘿蔔略同惟供食之部乃其地下莖耳袁滋雲南記「蔓菁大葉粗莖其根若大蘿蔔」云云殆亦沿舊認根作莖之誤滇中舊傳武侯南征此菜蒔於山中以濟軍食劉禹錫嘉話錄亦謂諸葛武侯行軍所止必令兵士皆種蔓菁云有六利然則諸葛菜之得名當以此云

大頭菜

屬十字花科滇志未收入根莖與葉可供醃藏有大葉細葉兩種均產昆明芥菜即此細葉種之別種也種子有刺激性可製芥末亦可醃食滇原野多栽培之

油菜 麥蘭菜

屬十字花科舊名蕪臺或云臺心菜春末開黃色花徧於田野種子富有油質可以榨取名菜子油滇常產尋甸菜子年產不下五六萬擔運銷省垣爲製香油原料云麥蘭菜亦十字花科滇田野常產醃食最佳

豆

滇產豆類約計在五十種以上或以形名如刀豆篋豆荷包豆（鶴

慶特產）獅子豆羊角豆等或以色舉如黃豆綠豆紅豆金豆硃砂豆等或以地方著稱如三甲豆小衣莊豆等或以生態命名如扁豆毛豆架豆朝天豆爬山豆等名類之多舉不勝舉甚有一物數名或數物一名者若以科學嚴格範圍之大致蠶豆黃豆（即大豆）豌豆鵲豆（即扁豆）刀豆菜豆豇豆小豆（綠小豆赤小豆）等乃滇中最普通之豆類也此等豆類形雖各異均屬豆科蝶形花爲其通性子葉中蛋白質或脂肪質含量甚豐即其嫩莢嫩葉或佐食用或作飼料需用尤廣另有紫雲英苜蓿等豆類採集莖葉除用作飼料外又有製造綠肥今玉溪農田用之肥草亦即紫雲英一類鄧川飼牛之盤龍草亦即苜蓿一類又豆類植物根部附有根瘤尤能吸取游離淡氣製成蛋白無須另加窒素肥（即含淡氣肥料）總之滇雖高原氣候土壤隨在皆宜於豆作栽培之多自在意中茲特舉其普通者列述如下

蠶豆 葉爲羽狀複葉花色白有紫黑色斑點子房成莢若蠶之向空翹舉故名春末成熟爲蔬食之要品其他如胡豆佛豆戎菽等皆一種而異名耳

黃豆 一名大豆葉有三出複葉花小有紫白等色莢被毛茸除食用外製豆腐醬油豆油等均需之爲用最廣豆粕亦可作肥田用誠滇之經濟作物也

豌豆 莖蔓性羽狀複葉先端之二三小葉變爲捲鬚作纏繞用花有白紫兩色果爲莢有軟嫩而無膜者則種子供食

鵲豆 別名甚多普通名扁豆但如鰍魚豆架豆茶豆均其通名秋

間開白色薄紫穗狀花結粗糙之小莢未熟嫩莢亦有並子粒同食者實有黑白黑者名鵲豆（見本草）其中一種名秋雨豆（訛作鰍魚豆）秋雨時結實最繁故名莢肥而窄長味甚佳美鎮南以產大扁豆著稱

刀豆 莖葉有光澤花有白色薄紫兩種莖亦有蔓性特立兩類莢大如刀形故名肥大可供食

菜豆 莖葉均有毛茸花小有白紫等色莖蔓性未熟之莢亦嫩可煮食果實搗爛可製餡云

豇豆 莖葉無毛嫩葉有光澤花色薄紫或淡黃莖有無蔓性不等莢長柔有絳色子粒亦然未熟之莢並子粒食之味佳

小豆 花比黃豆之花為大色薄黃莖有纏繞性有紅小豆綠小豆等名除子粒製餡外亦可為鳥類飼料

落花生

屬豆科花黃結實地下種子含油極富有至百分之五十者除食用外榨出油質工業上為用最廣云

土瓜

亦豆科根莖甘嫩可生食滇常產

海帶

屬睡蓮科一名海菜或云蓴菜實非海產乃滇湖沼中食用植物也秋日開黃白色重瓣之花嫩莖搖曳水中長至丈餘束抱上市可佐湯餚根部即蓴根也舊志謂大理浪穹產者甚佳美其花即浪穹特產之茈碧花

藕

一名蓮根乃蓮之地下莖部實非直根屬睡蓮科除蓮花（即荷花）供觀賞外蓮葉可入藥根莖部即藕可作蔬食內含澱粉可製藕粉以永昌澂江產者最佳

芹菜

屬繖形科舊名蒔蘿箇舊名貌鈴草亦名旱芹舊雲南府志謂出昆明又名魚芎菜或魚子芹葉可佐食滇園蔬常品白莖綠葉者曰宜良香芹亦有自西洋日本輸入者至牟定之白川芎鎮南之川蕪芎則係根用生藥不入蔬品

茴香

屬繖形科葉為數次羽狀複葉幼嫩時頗香美可供蔬食種子亦富揮發油有刺激性乾時摘取為茴香子可作佐食之香料

胡荽

屬繖形科嫩葉有香味亦可佐食本草又列入藥用滇到處栽培之箇舊產尤著

胡蘿蔔

屬繖形科滇海虞衡志謂分紅黃兩種紅猶內地黃則長至二三尺者供食之部即其根莖水分不多含糖頗富滇產外有由外國輸入者餐食用之為多

甘露子

屬唇形科舊名草石蠶滇園圃中栽培之葉似薄荷地下根莖白色旋捲如地蠶故有草石蠶之名秋時成熟脆美可食亦供鹽漬

茄

屬茄科莖葉有刺毛帶紫色花筒上部有五裂片亦紫色品種最多有長橢圓與扁圓形之果實二種果長至尺許寬七八分供食用外又供鹽漬醬漬等另有緬茄一種亦同科果皮硬厚能任雕刻產永昌

洋芋

屬茄科亦名馬鈴薯初產南美智利展轉移至歐亞由西班牙人傳入非律濱再由非律濱輸入中國內地雲南栽培不知始自何時舊時以為有毒名不甚彰舊志均無記載雖性適暖地但寒冷之區亦能繁殖以故滇東北一帶（如東川巧家昭通宣威等處）如鼠子洋芋白花洋芋等尤稱名品附近住民恃為常食此芋供食部分即其地下塊莖中含澱粉質為製粉及造酒精（滇中尙未有此工業）之用誠經濟植物之一也有早生晚生兩種玉溪產者屬早生可期速成蠻漢芋屬晚生為邊地之主食品至昆明所產則有紅洋芋白洋芋兩種均富澱粉云

辣椒

屬茄科一名番椒俗呼辣子宿根草本葉廣披針形花小白果實細長下垂亦有橢圓形者富辛辣刺激性品種極多可供食用滇到處栽培之

西紅柿

屬茄科一名番茄又名狀元紅果實多漿酸而不辣外形扁圓色澤鮮紅如柿故名今食物化學上謂其果實富有維他命頗宜攝生

甘薯

屬茜草科其名始見於嵇含南方草木狀謂「二月種十月成卵大者如鵝卵小者如鴨卵掘起蒸食其味甘甜經久得風乃淡出交趾興古」云云按興古今曲靖卵即甘薯之根部中富澱粉能變糖質故甘美可食且以代飯除曲靖外今巧家大理玉溪寧洱華寧等縣所產之紅薯尤佳

胡麻

屬胡麻科通名芝麻子種香美供食入藥滇西部如永北等處產之芒遮板有黑白芝麻兩種

瓜

屬葫蘆科草本植物枝莖中空葉爲掌狀葉柄變捲鬚借以纏繞他物花五瓣合著黃白不等果實成熟爲瓠果甘美多漿推爲蔬食上品亦有形色金黃供觀賞用者如金瓜癩瓜一類瓜類繁殖極易性適濕熱滇處溫帶種類尤多據各縣調查所及有南瓜冬瓜黃瓜菜瓜苦瓜甜瓜絲瓜等爲最普通其次則青瓜紫瓜銀瓜白瓜洗子瓜牛腿瓜十方瓜等多以形色不同比附種種名稱然一瓜而數名者多如南瓜或云麥瓜或名緬瓜黃瓜或云胡瓜或名王瓜菜瓜或名越瓜甜瓜或名香瓜十方瓜或名十稜瓜等即其適例今園圃常見者如下數種

南瓜 一年生草本莖葉長大有剛毛葉有捲鬚六月頃開橙黃色大形之花雌雄同株果實通常扁圓有縱溝深入果面有突起者多除食用外亦可供家畜之飼料子瓢生食炒食均宜俗名南瓜子或

麥瓜子

冬瓜 葉爲掌狀裂先端尖有捲鬚花黃色果形有扁圓橢圓細長等種種成熟期亦有早中晚三種果皮淡綠色常被白粉果瓢多漿別有風味嗜食者多亦可作蜜漬物

黃瓜 一年生草本葉大心臟形亦具五裂多有毛茸莖有攀緣性借捲鬚纏絡他物有黃色之雌雄花結有刺之漿果果皮黃色果肉淡白係早生種種子七八年間尙有發芽力除供蔬菜之用外鹽漬醃藏均宜

菜瓜 自外國輸入質嫩可食亦早生種

苦瓜 一年生草本莖葉細小蔓性六七月頃開黃色小花結長橢圓形之果果皮上有縱溝且具多數之瘤狀突起熟時變紅赤色向

下裂開內覆鮮紅之果肉皮部雖苦肉質別有風味

甜瓜 即香瓜亦外國產輸入雲南不過十數年質嫩宜炒食亦早生種滇中通名菜瓜

絲瓜 葉掌狀裂呈濃綠色莖有蔓性一年生六七月頃開黃色多數之雄花雌花比較後開果形長圓有達一二尺者湯食清品滇中栽培者亦多

滇產瓜類尙有西瓜爲氣候土質所限似遠不及平津出品惟元江所產爲佳又羅平套瓜石屏曲溪十稜瓜形態詭奇可供愛玩

蕨菜

屬隱花植物之羊齒類春二三月嫩芽新出捲曲類小兒拳摘供蔬食拌以豆泥味尤佳美根部有粉質可製蕨粉備救荒之用滇鹽津

等山地陰濕幽隱處即其自然分布區域恃孢子繁殖鎮南產薇亦名草子苗可作蔬品

菌

滇多森林往往爲菌類託身之區除食用菌營死物寄生者外菌害之侵及農林建築者損失不可數計每夏季風一起梅雨自東南捲來露菌淚菌等之各種孢子以次發生菌絲吸收潮濕蔓延寄主體中使其組織日就腐朽吾人試一考查即知本省菌害之如何矣至於食用菌類其載在舊志者有青頭羊肝胭脂羊奶雞冠松毛一窩蜂黃羅繖紅羅繖朮莪等十數種大致舉其要者言之桂馥札樸則據俗名記錄雞縱雞油白參老虎茅草牛肝松菌柳菌掃帚羊肚樹窩猪矢撐腳繖等十數種然滇產菌類亦有一物而數名者今據各

縣調查所及綜記有香菌青頭栗窩胭脂雞縱雞油穀熟刷把凍菌柳菌木耳白森羊肚羊肝冬菇竹蓀虎掌松毛北風木碗雲彩過手青黃羅繖馬皮泡石灰茯苓乾粃努把沉香芝麻羊奶黃絲青爛大壩菽把草皮老鷹牛舌鼓首母把一窩雲黃癩頭等四五十種之多但略一檢校即知牛肝菌即過手青乾粃菌即菽把菌亦即蕎麵菌以其色黃又稱蠟栗或云雞油菌（見札樸）是一菌而數名惟雞油菌另是一種耳又穀熟即鼓首冬菌即凍菌樹窩即樹蛾（見徐霞客遊記）馬皮菌即馬皮泡亦即馬勃（只可入藥）一窩雲即一窩蜂亦即北風菌等準是以推菌名雖多實不爲多若更嚴格分別編列菌譜則吾人所熟知之雞縱香菌白參木耳北風菌青頭菌乾粃菌掃帚菌羊肚菌竹蓀茯苓等斯誠有一述之價值也

雞縱 屬擔子菌科與松蕈（松菇）相類臨安府志引升庵外集「雞冠菌如雞冠也以形言雞髮者鳥飛斂足之貌」是雞縱即雞髮亦即舊志之雞冠菌也入夏菌體叢生蔭地菌柄伸長竟達數寸菌繖直徑二三寸者亦多表面色褐如灰鼠內部白色擔子柄在菌褶中擔著孢子黃熟時飛散如細粉一得潮濕發生菌絲即營死物寄生生活此菌柄褶芳嫩為食用菌之極品油質亦香美可取雞縱油順寧蒙化緬寧騰衝石屏蒙自尋甸鎮南牟定嵩明產出者尤佳曝乾鹽漬可遠銷各處富民出產尤稱大宗

香菌 即栗窩亦即椎蕈屬擔子菌科柄形較短繖背較黃微硬固是與雞縱不同處香味極濃曝乾可久儲遠銷各處每歲合計約十八萬斤之譜（香菌栗窩合計）順甯緬甯鎮南元江蒙化尋甸產者最佳上帕貢山產亦有名

青頭菌 亦擔子菌科菌繖肉質色淡褐傷之則變青色菌柄淡白而嫩質厚味美可佐蔬食產滇山野林地

北風菌 亦擔子菌科菌繖半圓肉質色灰褐菌柄細長而白千本叢生故亦有一窩雲之稱發生較晚柄褶甘嫩為食用菌之清品滇山野卑濕地盛產之

牛肝菌 亦擔子菌科柄褶黃褐作牛肝色故名滇山地產之早生可食

雞油菌 亦擔子菌科繖面平滑無褶色殊黃繖背有褶菌柄細長均黃褐色類似雞油故名滇林地產之可佐食

掃帚菌 亦擔子菌科但無菌繖菌柄下部白色分歧較少上部分

枝參差作紅珊瑚狀又如掃帚故名滇林地自生七月上市可佐食
乾粃菌 亦擔子菌科繖柄不分成褶扇狀色黑褐多毛菌體革質
而薄如乾粃狀故名滇林地產之微有香氣可炒食

虎掌菌 亦擔子菌科繖柄不分有黃黑二色黃者云黃虎掌黑者
云黑虎掌質脆味香佐食上品今羅次楚雄鎮南牟定等處特產之
白參 一作白森類似乾粃菌之薄小者亦似地衣菌繖附着一處
作扇狀或雌雞冠狀色白後帶灰色無菌柄菌體香脆可食今武定
永昌順寧等處產之

羊肚菌 屬多孔菌科繖徑一寸乃至三寸形類饅頭表面淡黃褐
色裏面暗黃綠色管孔粗大類似羊肚故名菌柄比繖徑微長色恰
相同食法甚多滇林野產之以永勝出產者爲最

竹蓀 屬多孔菌科一名竹參菌體幼時爲小球下有菌絲如根狀
小球外面有皮膜三層包被之中皮遇水膨脹若粘液質球內有菌
柄及菌繖部分外皮一破繖柄突現于外遂成網孔孔邊生長孢子
熟時飛散林地而營寄生生活此菌之網孔香美柔脆即席宴上珍
賞之部分羅平鹽津等處竹林地產之銷數每歲合計約一百六十
斤銷路之遠次於貴州

木耳 屬複菌類繖形參差不齊變成膠質柔脆可食菌面色有各
種普通爲黑木耳滇山林地如上帕貢山永昌開遠盛產之每歲產
數約二十餘萬斤又黃者爲黃木耳白者爲白木耳或稱銀耳漢醫
家稱爲滋補上品接近川黔邊界山地產之（如魯甸）但不如川
產遠甚近有放倒青桐樹幹截爲數段使受腐濕用以培養此菌者

茯苓 此爲藥用菌類當另於藥用植物一節詳述之爲滇特產醫藥界每鄭重稱之爲雲苓以別於產茯苓之諸省滇中如姚安尋甸武定楚雄石屏漾濞產者尤有名

以上所舉除茯苓外共十三種實不過滇用菌之一小部分此外如柳菌穀熟菌等亦可食因滇爲森林國在在均與菌類發生關係是在研究者隨時加意勿負此產菌之名區也

石花菜

屬綠藻類滇海虞衡志謂「即海之紫菜」按紫菜屬紅藻爲深海產雲南有湖無海石花菜屬綠藻爲淡水產截然兩物也江河溪澗之石上此菜均可生活作陽青綠可愛素席上用作鹽漬物味亦雋美鶴慶永勝蒙自箇舊祿勸均產之

念珠菜

一名數珠菜鶴慶志謂「生江中形類念珠因贊陀投念珠洩水後江中即生此菜」等語附會佛典未免不倫惟此菜既生長江中形態又類念珠頗與髮菜相似大致髮菜形如亂髮搖曳溪溝石上顏色黑褐每髮一根即自一列之小圓球而成因其形似念珠故又名爲念珠菜屬藍藻類念珠藻科食用藻中之一名品也四川出產者多亦有陝甘所產取道四川展轉輸至漢口上海者其在香港海味行則利用其名稱似發財二字以誘購客用作餽贈此菜在滇產地無多但在沿海各省亦視爲貨品之一宗食用時注之沸湯則溶爲膠凍質其中含有多量之蛋白質以故食用藻內亦認爲名貴之食品云

附各縣特產尙未知何屬者

粃個藥 木本植物葉掌狀取其根作藥和糯米沖成曬乾用火炒之則極小一片可澀漲如碗大香脆可口爲茶點之特異品云

乾河菜 大理特產醃食香美

蘄菜 騰衝特產嫩葉入湯味最美

甜菜樹 雙柏特產花葉可食其味鮮香

麻粲蒲 土名保山特產莖直高八九尺掌狀複葉大如棕櫚果實累累色黃長可五寸生於葉腋味甘芬

果實類

鳳梨

屬鳳梨科墨江思茅寧洱新平元江蒙自佛海芒遮板緬寧臨江金

河江城鎮康保山諸地名抹猛果或簡稱檬果俗又名打鑼鎚或鳳尾果具地下莖由此出有葉羣約高丈許葉厚靱寬寸許長至尺餘葉緣有刺採果實時刺易傷人但栽培結果亦有無刺者在其中顯著生花叢因之結成果實每一果實殆自數多小果相集而成謂之聚合果形橢圓高三四寸周徑及尺皮紋鱗起熟時色黃赤味極甜美據化學之分析謂此果之成分含有特殊之蛋白質能溶解鈣素利於消化食物且宜糖分幾達百分之十五與香蕉一類有同等之價值爲溫暖帶果實之名品我滇出產之區多在邊地熱域交通不便除當地食用外不能輸出各處又不能製成罐頭反令安南鳳梨遠銷滇越鐵路一帶無法抵制盍勝惋惜此類植物生長極易叢芽分種無不活者果實之外葉有長纖維又適於編物之用推爲經濟

植物之一

菱角

舊名爲芰屬芰科古時芰荷並稱採菱亦見諸歌詠蓋池沼中常見植物也春時出葉廣卵形多鋸齒葉柄中部膨大便於浮生夏日開白色小花四萼四瓣子房秋熟成爲堅果角有銳刺果肉白嫩可生食省市近郊菱角潭即產有之大理湖沼所出果較堅銳當是別種石屏異龍湖產者亦有名

荸薺

屬莎草科一名烏芋多年生草本也滇水田沼澤產鎮南產者尤佳供食之部卽其塊莖質汁甘美可生食自塊莖中製出之粉稱爲荸薺粉或稱馬蹄粉云

新纂雲南通志

卷六十二 物產考五 植物二

一四

甘蕉（香蕉） 芭蕉

甘蕉屬芭蕉科舊名甘露結實最多如羊角狀味最甘美爲熱帶佳果之一滇思茅寧洱元江新平文山馬關開遠蒙自臨江金河諸熱地均盛產之但不及安南香蕉遠銷各處此植物在元江志稱爲緬芭蕉又一統志載「芭蕉出永昌灣甸州可食」顧炎武天下郡國利病書載「灣甸有芭蕉實以當果」灣甸永昌地至云當果可食是卽今之香蕉也按香蕉今保山之米芭蕉牛角芭蕉猶著名形態酷肖芭蕉甚難區別惟香蕉之葉柄及中肋稍帶赤色又生有特殊之果實細經比較仍與芭蕉不同我滇南部熱地林深箐密芭蕉與麻子椰子同爲三大密林而芭蕉最多今且移植至內地園圃亦偉大之宿根草本葉長大爲鳥羽狀有全緣葉脈亦平行花獨生或被以

綠色或紅色之苞不結實是即與香蕉不同處芭蕉異名亦多或曰苞苴或曰囊荷滇海虞衡志引本草綱目謂「囊荷即芭蕉也」又引丹鉛錄謂「囊荷即今甘露甘露即芭蕉」云云囊荷之葉雖與芭蕉相似實屬另一植物與山薑高良薑同非即芭蕉更非香蕉也又滇舊志載芭蕉有鳳尾象牙美人數種鳳尾當是形容其葉至花大類象牙者名牙蕉紅如蓮花者名紅蕉據花鏡則美人蕉即紅蕉審是則另屬曇華科植物亦非真正之芭蕉也

荔枝

屬無患樹科一名丹荔蔡君謨荔枝譜載其釋名有七十五種之多雖不免以形色姓氏土地巧爲附會然亦以見荔枝一類出產之多滇海虞衡志謂「荔枝龍眼古書出於川滇今滇之元江尙不得辭其名」云云今據調查所及迤南溫暖地如新平思茅墨江緬寧開遠金河等處均產有之不限於元江也此植物常綠喬木所結果實味甘多汁爲南方珍果之一供食之部其果肉也另有韶子一種亦滇產鎮康廣南有之爲荔枝之變種土名毛荔枝味酸不中食

龍眼

亦屬無患樹科與荔枝並名南方溫暖地如元江婆兮景東永勝寧洱等處均栽培之俗名圓圓或云桂圓樹似荔枝而枝葉差小凌冬不凋春末開細白花結實圓若彈丸皮殼青黃肉白有漿其甘如蜜惟不及荔枝之肉厚漿多舊志謂若論益人則性最和平功用不亞於荔枝蓋紀實云

核桃

屬胡桃科一名胡桃落葉喬木類也果殼薄果仁豐腴漾濶合江產者最佳爲滇中有名之堅果每歲合計產量約三百四十萬斤巧家年產核桃油亦在數萬斤

花紅

日本謂林檎爲蘋果滇中則以花紅爲林檎李時珍本草綱目云林檎即柰之小而圓者其類有紅林檎水林檎蜜林檎皆以色味立名是即滇中之花紅非蘋果也其味酢者曰楸子當是小林檎一類俗稱小花紅酸不可食大理賓川產之海棠果亦小花紅之別種但甘酸宜人花紅屬薔薇科落葉喬木以佳果著稱昆明呈貢大理賓川麗江等處爲其著名之產地

蘋果

新纂雲南通志

卷六十二 物產考五 植物二

一一六

屬薔薇科落葉喬木以呈貢爲特產地霑益產者亦佳春季開花瓣片粉紅六月果熟凝脂欲滴甘香沁人暢銷遠近惜水分不足是其缺點

桃

屬薔薇科花供觀賞果供食用誠滇產之名品也品種特多六月果熟有名黃心離核者果大多漿皮色橙黃味極甜蜜路南特產銀桃與糯米桃相同惟漿汁稍遜滇中產地較多以宜良昆陽大理產者爲佳另有扁桃壽星桃山桃（即毛桃）以其形奇滇庭園中植之或山野自生果內子仁可供藥用

李

屬薔薇科落葉喬木二月開白色細碎之花夏季果熟有肉熟而皮

猶綠者謂之脆李即青霄御黃一類黃者更有金沙李之稱其紫色肥大味甘如蜜者即均亭李亦即麥李脆李最名貴屬晚生種紫李次之滇到處產又蒙化山中有大小合抱屈曲不材結實如李小如檇棗六月熟土人呼爲醉李者札樸以爲即檇李

梅

屬薔薇科落葉喬木夏時果熟嫩黃輕綠間帶橙色有山梅鹽梅兩種山梅味苦滇中用以漬物入藥鹽梅一名杏梅味帶酸鹹清脆可口供生食亦可漬糖蜜及醃藏通海河西產者更佳

杏

屬薔薇科初夏果熟色橙黃味甘美滇產即金杏一類

梨

新纂雲南通志 卷六十二 物產考五 植物二 一一七
屬薔薇科落葉喬木春初花開色粉紅五瓣秋日果熟皮色黃綠多漿汁品種極多甘酸各別舊志謂「晉寧者佳」滇海虞衡志謂「梨兩廣無而滇最多」今呈貢之寶珠梨烏梨大理之雪梨甘嫩多漿與天津哀家梨等其次則昭通梨雖屬晚成而甘酸可口楚雄黑梨大理烏梨一云水扁梨本色味佳當是一類陳鼎滇黔紀游載太和梨有七斤重者尙不知永昌抓梨其重且在太和上也省中尙有香酥梨味甘汁少火把梨皮紅多漿亦似來自大理又華寧之木瓜梨爲邑名產麻栗坡董幹冬梨亦有名雲縣之早穀梨亦有名總之梨類雖多以產於昆明湖洱湖畔之砂質壤土者品質最佳證於寶珠梨烏梨雪梨而益信云

棠梨

屬薔薇科一名掛梨或曰甘棠滇山野多產之落葉喬木也莖高一
二丈亦有灌木而開花結實者春日簇生白花略帶粉紅似蘋果花
瓣果實至秋紅熟甘酸適口木材亦供用樹冠蔚然深秀今公園中
植之以爲風景林

木瓜

屬薔薇科落葉灌木高不盈丈莖葉有刺葉長橢圓形似海棠花亦
如之惟其梗不長春末開花瓣片五數五緋紅與盆栽小桃紅相類
惟花色較淡花後結實長達二三寸熟時色黃味酸可漬鹽糖供食
用或以釀醋或以入藥滇中產之盆植障籬均宜又木瓜中類似之
一種其子可以洗冰粉巧家元謀魯甸騰衝等處產之亦云酸巴樹

山楂

屬薔薇科或云沙櫨果山裏紅又或名櫨子莖高數丈生滇山野間
性適寒地曲溪產者佳葉廣卵形五月開花色白或淡紅入秋結圓
果頂腳俱凹入十月果熟色黃而紅果肉酸澀不適生食蜜漬糖漬
較佳木材亦可供用

枇杷

屬薔薇科常綠喬木也葉厚多毛夏日果熟皮黃多汁富於甘味滇
園地溫暖處常栽培之但未改良新種如日本田中枇杷故微嫌其
肉薄核大耳

櫻桃

屬薔薇科溫帶木本葉卵狀有細鋸齒早春開花春暮果熟有紫紅
白三種紫者亦云苦櫻紅白者均甘美可食晉寧產者佳

鎖梅

屬薔薇科即蛇茵之音訛果實有黃黑二種黃者俗名黃泡鹽津特佳黑者俗呼紫茵亦即藥用之覆盆子味甘多漿可食此類果實供食部殆花托之變形滇到處產

救軍糧

屬薔薇科俗訛稱豆金娘生滇山野間入夏以後結實纍纍果橙黃色微有甜味可生食亦可為救荒植物云

楊梅

屬楊梅科暖帶之常綠喬木樹高數丈周圍二尺葉長三四寸四月頃開黃色小花雌雄異株果為球形核果外部有多數突起初時綠色六月紅熟更變紫黑帶甘酸味可生食亦可漬糖或鹽滇山野產

之

橄欖

屬橄欖科一名餘甘子落葉喬木也葉互生小葉對生組成奇數羽狀複葉果實秋深始熟數筒一叢總狀着生長一寸左右形圓色綠熟後微黃生食亦可漬鹽苦味回甘古有諫果美稱又可製橄欖油芒遮板出產最多產滇山野漾濞緬寧曲溪師宗等處尤多另有藏青果一種亦橄欖科產滇藏邊境可入藥

羊奶果

屬胡頹子科或名木半夏或名秋胡頹子山野半灌木葉背有銀鱗花叢生果實聚為球狀赤色味甘酸可生食滇山野間產之

無花果

屬桑科喬木或灌木生溫暖地帶今各處栽植之一名優曇鉢滇南本草又名明月果滇略則名古度葉掌狀夏季開單性花雌雄蕊隱花托中花托球狀多肉中心空虛頂有小孔蟲能出入孔中傳播花粉亦變形之蟲媒花也此植物並非無花而果花全在未熟之果實即所云花中假果初爲綠色熟則帶紫味至甘美內者白色細子如罌粟米狀供食之部即此花托之幻形非真實也清宣統末已自西洋日本輸入新種定植三年即多結實樹形亦極強健其果又富於滋養分能消惡血助消化爲滇佳果之一云

波羅蜜

屬桑科常綠喬木與無花果同類亦以熱帶佳果稱一名蜜多羅思茅廳採訪云「波羅蜜樹大數圍枝葉蔓延不花而實實不結於枝

而綴於幹大如瓜而長質類楊梅熟則內如瓜瓢以匕箸食之味香甘其中有子數十粒如棧豆可煮食」又南越筆記虞衡志亦載「波羅蜜大如冬瓜外膚礪礪如佛髻削其皮食之味極甘子瓢悉如冬瓜生於木上秋熟」本草綱目則載「波羅蜜樹高五六丈形類冬青而黑潤倍之葉極光滑冬夏不凋果之大者惟此與椰子而已」云云案此樹在南洋通名榴槿今滇南溫暖地如思茅寧洱元江佛海臨江箇舊一帶均產之供食之部即聚合果亦花托之變形初食謂有山羊臭久食成癖詎爲熱帶第一佳果云按波羅蜜之名係根據思茅廳採訪南越筆記滇海虞衡志等但各縣物產報告又有以鳳梨爲波羅蜜者分觀其形性當不至誤混

石榴

屬石榴科舊名安石榴原產高加索三世紀時輸入中國展轉亦盛植滇中喬木狀之果樹也花色硃紅五月盛開（重瓣者以美花稱全不結實）果實形圓種子多肉有白紅暗紫各色甘酸適口爲果品上選白色種以鹽井產者佳果實亦碩大逾常紅紫色種到處有之而以宜良蒙自保山雲縣新平箇舊賓川鄧川爲最又建水產之酸石榴熟則回甘尤耐咀嚼滇越道通已漸運售至省云又雲縣之馬牙石榴亦以甜味及酸味著名保山金雞村之水石榴尤甘酸可口石龍坪產者則子大味甘不亞於黑井云又景谷佛海思茅產緬石榴一名交趾果未悉何類姑附於此

柑

屬芸香科落葉大灌木品種最多順寧府志云柑出雲州俗名黃果永北景東大理鶴慶賓川祿勸黃果亦碩大多甘汁能分肉瓣果皮易剝惟牛欄江邊一帶產者質甘酸皮稍厚論其品質似在橘上惟柑名易混市間所云柑類並非黃果殆指香櫞而言梁河祿勸嵩明鳳儀保山等處產者果大盈尺皮黃肉白味甘少汁永昌祿勸梁河等處又別有佛手柑一種果長數寸拳曲如人手指掌歧出晚冬黃熟取爲清供香味負絕思茅產者較大

橘

屬芸香科大灌木類果大數寸黃皮易剝肉瓣多漿味甘來自金河者尤名貴云金河橘祿勸普渡河邊華寧縣路居麻栗坡之八布亦有佳品

橙

屬芸香科灌木莖枝有刺果小皮綠微帶黃色味酸苦可入藥嵩明產之滇中亦有金錢橘百子圖（羅次易門名品莖不甚高黃實纍纍可爲盆玩）皆屬橙一類

柚

屬芸香科喬木類柚子碩大盈尺果肉色白如脂肪液汁不多滇市所鬻聞來自廣州但景谷亦產

按滇產芸香科果實不只柑橘數種以上特述其重要者此類果實有枸橼酸不但供食且可入藥其適當之出產地大致爲湖邊砂質壤土云

仙人掌 金剛纂

仙人掌屬大戟科原產南美今滇溫暖地帶野生多以爲障籬之用

莖體綠色扁平業已變形作刺花黃赤色果實梨狀味美多漿滇西一帶有取飼家畜者近時舶來仙人掌球形多細刺蒔置盆中頗耐乾燥園藝觀賞珍品也另有金剛纂舊志見之生態與仙人掌相類但非以果實著稱此植物亦屬大戟科原產熱帶今順寧建水以及江邊熱地均盛產之莖體青綠四周成稜如鋼鞭狀葉多退化爲刺用以範籬人不敢犯莖中又泌白乳多毒取其汁撒水面魚類均受麻醉易於受捕云

棗

屬鼠李科落葉喬木莖高二丈許花小色黃綠入秋果熟外皮紅褐肉質甘美少汁可生食滇原野間產之果形小不如陝棗之大另有糠粃棗之俗稱元謀產者名西西果即入藥之棗仁也永勝賓川紅

棗亦著名

枋棗

屬鼠李科或云枳椇落葉喬木花梗甜美形態曲突可解酒醒滇山野產之木材亦有用

葡萄

屬鼠李科莖有蔓性葉大具心臟形花後結實有紫青水晶三種但漿果太小汁酸者多比較以鹽興產者形大味純麗江產者亦佳本草綱目謂雲南所出葡萄大如棗味尤長滇海虞衡志謂葡萄滇南最佳均非事實溫熱沙地縱或有一二名品不足以代表全滇也

酸角

屬豆科溫暖地帶之喬木莢果長數寸形如牙草漬水和羹酸味如

新纂雲南通志

卷六十二 物產考五 植物二

二二二

酢亦可漬糖元江建水祿勸元謀等處原野間產之元謀出產尤為大宗

柿

屬柿科落葉喬木莖高數丈葉橢圓全邊色淡綠光滑有短葉柄五六月間自葉腋開淡黃色花子房八室各室具一胚珠果實多漿秋後紅熟味甘可口即滇中常見之柿子也曝乾製餅名柿餅遠銷各處木材亦有用昆陽海口武定富民漾濞產者尤佳思茅特產西番柿一名五子登科以襲柿名姑附於此

軟棗

屬柿科一名羊棗舊名君遷子滇西土名搭枝滇海虞衡志一云都念子或訛作倒捻子落葉喬木高達二丈山野間自生亦有栽植園

野者果圓而大霜後黃黑味劣於柿熟時甘軟可生食但稍澀耳果
蒂含單寧酸舊用以爲鞣革材料木材亦可供用云

咖啡

騰衝物產報告載有咖啡樹惟產地未詳